

**Arkiv:** <arkivID><jplD> FA-G0, TI-&01  
**JournalpostID:**  
**Sakshandsamar:**  
**Dato:** 26.11.2020

Saksframlegg

| Saksnr. | Uttal              | Møtedato   |
|---------|--------------------|------------|
| 120/20  | Alver formannskap  | 03.12.2020 |
|         | Alver kommunestyre |            |

### Revidering av selskapsavtalen for Region Nordhordland Helsehus IKS

#### Rådmannen sitt framlegg til vedtak:

Alver kommune godkjenner revidert selskapsavtale for Region Nordhordland Helsehus IKS med følgende endringer:

1. Alver kommune overtar eigaransvaret til kommunane Lindås, Meland og Radøy
2. Eigardelen i selskapet vert fordelt 30 % likt på kommunane og 70 % ut i frå folketalet.

#### Alver formannskap 03.12.2020:

#### Handsaming:

Rådmannen sitt framlegg:

Først setning og punkt 1. vart samrøystes vedteke.

Punkt 2. vart vedteke mot 3 røyster (M.Klementsens-Uavh., M.Færø-Uavh. og T.Sletten-Hansen-Uavh.)

#### FO- 120/20 Vedtak:

Alver kommune godkjenner revidert selskapsavtale for Region Nordhordland Helsehus IKS med følgende endringer:

1. Alver kommune overtar eigaransvaret til kommunane Lindås, Meland og Radøy
2. Eigardelen i selskapet vert fordelt 30 % likt på kommunane og 70 % ut i frå folketalet.

#### Politisk handsaming

Saka skal til innstilling i formannskapet

Saka skal avgjerast i kommunestyret

#### Kva saka gjeld:

- Denne saka gjeld revidering av selskapsavtale for Region Nordhordland Helsehus IKS. Saka skal avgjerast i kommunestyra i kommunane Alver, Austrheim, Fedje, Gulen, Masfjorden, Modalen og Osterøy.
- Selskapet har fått frist ut året av Brønnøysundregisteret med å få på plass ny selskapsavtale som er godkjent i kommunane. Selskapsavtalen må derfor handsamast i kommunestyra før nyttår. Endring av selskapsavtalen krev at alle kommunestyra gjer likelydande vedtak.

#### Saksopplysningar:

## Revidering av selskapsavtalen til Region Nordhordland Helsehus IKS er handsama i:

### Regionrådet 21. september 2020

Regionrådet slutta seg til endringar i selskapsavtalen.

### Styret i Region Nordhordland Helsehus IKS 9. november 2020

#### Samrøystes vedtak:

Styret i Region Nordhordland Helsehus IKS sluttar seg til revidert selskapsavtale for Region Nordhordland Helsehus IKS slik det føreligg i styremøtet og der eigardelen i selskapet vert 30 % fordelt likt på kommunane og 70 % ut i frå folketalet.

Styret ber administrasjonen leggja revidert selskapsavtale fram for Representantskapet med forslag til fylgjande vedtak:

Representantskapet vedtar revidert selskapsavtale for Region Nordhordland Helsehus IKS slik det føreligg i møtet og der eigardelen vert 30 % fordelt likt på kommunane og 70 % ut i frå folketalet.

### Representantskapet i Region Nordhordland Helsehus IKS 13. november 2020

#### Samrøystes vedtak:

Representantskapet støttar framlegget frå styret til revidert selskapsavtale for Region Nordhordland Helsehus IKS slik det føreligg i møtet og der eigardelen i selskapet vert 30 % fordelt likt på kommunane og 70 % ut i frå folketalet. Representantskapet ber administrasjonen senda saka til kommunane for handsaming i kommunestyra i eigarkommunane med forslag til fylgjande likelydande vedtak:

XX kommune vedtar revidert selskapsavtale for Region Nordhordland Helsehus IKS slik den føreligg i representantskapsmøtet og der eigardelen i selskapet vert 30 % fordelt likt på kommunane og 70 % ut i frå folketalet.

### Bakgrunn og innleiing

Selskapsavtalen for Region Nordhordland Helsehus IKS vart vedteke første gong 12.12.14. Selskapet var då eigd av dei ni kommunane Austrheim, Fedje, Gulen, Lindås, Masfjorden, Meland, Modalen, Osterøy og Radøy.

Lindås, Meland og Radøy slo seg saman til Alver kommune frå og med 01.01.2020, slik at det no er sju kommunar som er eigarar. Det gir krav om endring av selskapsavtalen. Selskapet har av Brreg fått frist ut året med å få på plass ny selskapsavtale som er godkjent i kommunane. Endring av selskapsavtalen krev at alle kommunestyra gjer likelydande vedtak. Det betyr at saka må vera godt forankra og ha ei brei forståing før den går ut til kommunestyra for handsaming.

Kommunane sin eigardel vert påverka av kommunesamanslåinga. I den gjeldande avtalen er 20 % fordelt likt og 80 % ut i frå folketalet. Dersom ein vel å fortsetja med 20 % fordelt likt, vil Alver kommune ha ein eigardel som er over 50 %. Styret i RNHI synes ikkje det er naturleg at ein kommune skal ha over 50 % eigardel og føreslår at den delen som vert fordelt likt vert auka til 30 %. Det er same fordelingsnøkkel som vert brukt i berekning av medlemsskapet i NUI (Regionrådet). Det gir følgjande fordeling i § 7-2:

| Kommune         | Fordelt likt | Fordelt ut i frå folketal | Totalt   |
|-----------------|--------------|---------------------------|----------|
| 4631 Alver      | 4,29 %       | 45,34 %                   | 49,63 %  |
| 4630 Osterøy    | 4,29 %       | 12,56 %                   | 16,85 %  |
| 4632 Austrheim  | 4,29 %       | 4,45 %                    | 8,74 %   |
| 4635 Gulen      | 4,29 %       | 3,56 %                    | 7,85 %   |
| 4634 Masfjorden | 4,29 %       | 2,62 %                    | 6,91 %   |
| 4633 Fedje      | 4,29 %       | 0,85 %                    | 5,13 %   |
| 4629 Modalen    | 4,29 %       | 0,60 %                    | 4,89 %   |
| Totalsum        | 30,00 %      | 70,00 %                   | 100,00 % |

Eigardelen er også grunnlag for røystetalet i representantskapet, sjå § 4-4. Dei andre endringane som er

foreslått er formalia som namn og kommunenummer.

#### **Tilråding**

Rådmannen tilrår at kommunestyret vedtar revidert selskapsavtale for Nordhordland Utviklingsselskap IKS.

#### **Vedlegg i saken:**

|            |                                              |         |
|------------|----------------------------------------------|---------|
| 26.11.2020 | Selskapsavtale RNHI - revidert desember 2020 | 1479297 |
| 26.11.2020 | Selskapsavtale RNHI - revidert desember 2020 | 1479297 |